

摘藻堂四庫全書薈要

集部

欽定四庫全書薈要

集部

御選宋詩卷五十一

詳校官原任主事臣李斯咏



欽定四庫全書薈要卷一萬八千三百五十八

集部

御選宋詩卷五十一

七言律詩七

程俱

九日寫懷

節物驚心兩鬢華  
東籬空繞未開花  
百年將半仕三已  
五畝就荒天一涯  
豈有白衣來剝啄  
亦從烏帽自欹斜  
真成獨坐空搔首  
門柳蕭蕭噪暮鴉



別後有懷子我追用巾字韻作寄

漉酒空我五柳巾一觴相屬念情親  
玉川奴婢今猶昔錦里田園老更貧  
冰洞清泉誰共酌風篁幽徑好尋春  
開年晴暖須歸去還向江湖覓故人

子我東去云欲居無錫或過錢唐故

有水洞風篁句

丁巳九日攜酒要叔問登通道門樓而江彥文  
寄玉友適至因用己未歲吳下九日韻作

涼秋風物正清華極目高樓不見花  
老境固知無樂事

醉鄉聊欲寄生涯  
銀鈎遠寄青桐滑  
玉液親題赤印斜  
笑引壺觴成一醉  
歌筵遙想鬢堆鵝

聞彥文是日有盛集

戊午歲九日復與叔問登城樓再用前韻作

兀坐空哦服九華  
衰顏深覺負黃花  
但令無事長相見  
敢歎百年生有涯  
雉堞曉登千嶂抱  
穀波秋淨一溪斜  
歸來更展新詩卷  
醉墨淋漓似老鵝

盧仝有却來案上翻墨汁塗抹詩書

如老鵝之句

和趙子雍游石園

長嘯西風一散襟重陰疎影靜相臨水通笠澤秋容淨  
竹種元池野思深石磴埽雲留晚步松谿隨鶴盡幽尋  
舊遊回首成春夢太息憑誰寫寸心

徐俯

同曾戶部吳縣尉張秀才北山僧房尋梅令客  
對碁

處處已收南陌稻間間還看北山梅累觴聊爾酤顏在  
對局怡然笑口開埽徑似知佳客至杖藜惟可數君來

移松種樹鄱陽老章貢風帆歲一回

陳淵

汝州道中呈遵道

青煙漠漠柳依依落日雲中雁北飛  
咄咄書空誰獨坐遲遲行道子同歸  
桑陰蓋地牛羊卧麥秀漫山鳥雀肥  
向晚未知投宿處敗籬疎屋火煙微

春晚入荊州

綠樹連雲草濕煙亂花飄錦柳飛  
絲三春別我無多日

萬點愁人又一年池館勝遊空過眼江山佳處欲投鞭  
從君預覓清涼地準備南州五月天

早行

夢中聞得子規啼燈下驚呼馬亦嘶宿霧故迷山遠近  
肩輿纔辨路高低鷄鳴犬吠遙相應野草幽花自不齊  
待得晨光開霽色不知行道幾人迷

酬晏伯達

半生流轉任飛蓬萬里歸來興又東寂寞倦投揚子宅



低徊却寄魯侯宮，阻尋雞黍他年約。  
長憶園林一醉同，何日過君花下飲。  
爛看濃豔舞春風。

陪知縣夜飲泛碧齋再用前韻

泛碧齋舟名

暑雨初收水拍潄，溪光南北影千岑。  
移舟為愛玻璃闊，放盞那知琥珀深。  
緩帶小風來水面，倚闌涼月轉天心。  
酒酣更駐凌波襪，直待銀河夜色沈。

次韻陸時可歲暮感懷

小橋橫截一溪雲，隔岸遙通避世人。  
釣艇偶隨秋雁泊，

吟窗今見臘梅新煙塵已覺千山靜雨露行看萬國春  
詩酒暮年生處樂一帆歸去豈辭貧

向子諲

題王文孺臞菴

仙翁五十髯猶青高卧柴門晝亦扃茅舍已忘鐘鼎夢  
蒲輪休過薜蘿亭陰森門巷先生柳寂寞江南處士星  
晚歲田家農事了閒抄甯戚相牛經

朱弁

送春

風煙節物眼中稀三月人猶戀褚衣  
結就客愁雲片段喚回鄉夢雨霏微  
小桃山下花初見弱柳沙頭絮未飛  
把酒送君無別語羨君纔到便成歸

春陰

關河迢遞繞黃沙慘慘陰風塞柳斜  
花帶露寒無戲蝶草連雲暗有藏鴉  
詩窮莫寫愁如海酒薄難將夢到家  
絕域東風竟何事祇應催我鬢邊華

洪浩

奉使留金金臣悟室求詩口占漫答

久持使節傍門庭薄命猶賒五鼎烹  
羝乳何心占北海  
雁書隨夢到京城  
莫言地廣頻修怨  
應念民勞早戢兵  
國寶善鄰君寶信  
坐膺難老見昇平

曹勛

題迎暉堂

爽塏幽居抵萬金  
東西領畧水雲深  
江山入座清無暑

文史銷閒靜有琴何處菱歌煙艇雨最宜秋月海潮音  
主人占得林泉樂本有江湖一片心

湖州贈劉大夫

山繞蒙菴十里陰兩翁逸駕並駸駸人隨衡雁野雲薄  
夢破鱣溪秋水深別後詩章清有思向來遊處剩關心  
何妨一笑雲蘿上小約湖邊特特尋

和謝景英提幹

公家繡戶壓城垣物采隨時入嬾軒人倚層樓風滿檻

江涵秋影月當門  
賸聞薜澤羅襦麗  
醉看金荷燭影昏  
可但頽然信真率  
亦思秀句得重論

老景逢春每多留  
賞子美所謂老去  
願春遲子  
忱雅知其況以佳  
句見貽信筆為答

吾儔春味等閒情  
識我幽花種繞亭  
雲帶竹光天外碧  
風回松吹夢中醒  
樽壘湛綠邀芳景  
紅翠收香拂夜屏  
歸傍清池留未足  
更看涵泳一天星

和英上人見寄

華鯨吼雨曉聲長  
詩罷蕭閒百步廊  
倚暖花梢清有思  
傲霜菊蕊冷猶香  
好閒嬾瓚聊煨芋  
不病維摩尚倚牀  
滿眼雲山應自足  
笑渠門外馬蹄忙

臘日謝仰上人惠蘭

未覺風光轉朔雲  
深窗乍見意增新  
欲令楚客傳清些  
未放江梅早占春  
自許幽香傳窈窕  
更煩白足下嶙峋  
為君抖擻煩襟看  
要是都無一點塵

戲簡錢處和

聞道維摩几前花隨寶女下雲天合歡帶緩新妝薄  
燕子樓深晚色鮮想得瓊枝宜夜夜只應璧月共娟娟  
何時遂預平生友與出湘雲伴錦筵

胡寅

和趙宣

冠月裾雲佩綠霞百年將此送生涯愁心別後無詩草  
病眼燈前有醉花落筆擅場聊寫意背山臨水遂成家  
也須南畝多栽秫休似東陵只種瓜



朱松

送沈昌時赴寧海令兼叙別

午潮平處落歸帆，已覺離情兩不堪。  
轉手便成千日別，悲歌聊倚一杯酣。  
波翻別壑聞車水，青遍柔桑趁浴蠶。  
歸路春深風日美，伴誰操筆賦幽探。

西湖泛舟

望湖樓下照衰顏，羞見塵埃兩鬢斑。  
風艇縱看山轉側，煙堤儘逐水回環。  
喚人歸去城鐘急，觸處相親嶺月彎。

不用新詩摹絕境定知長到夢魂間

和人遊仙峰菴

千巖萬壑翠縈回一洗衰翁病眼開  
落日多情留別嶺秋空無地著浮埃  
雲間出岫初無意松老參天豈願材  
我是散仙君記取更鞭鸞鳳少徘徊

蘆檻

手劖修蘆著檻栽使君公退幾徘徊  
想當風雨翻叢急疑卷江湖入座來  
未辨松窗眠綠浦且將屐齒印蒼苔

種成桃李人間滿應念孤根首屢回

寄吳致一

相逢一笑兩忘懷夢遶親庭首重回  
世事難磨三尺喙離愁都付十分杯  
秋生林薄歲時晚水落江湖鴻雁來  
賸作新詩頻寄我天涯時對雨看開

答人留別之什

家在大江東復東去君一舍碧流通  
那知臨水登山處同寄飛蓬斷梗中  
愁絕杯中千里月夢縈江上一帆風

只今且作須臾意更典雲裘醉小聚

宿延慶寺

浮榮過眼旋銷忘惟有谿山意味長  
身健不嫌穿犖确塵空那復戲滄浪  
林鐘喚客煙藏寺風葉鳴秋竹蔭廊  
一似雲溪醉眠處只應軟語欠支郎

書室述懷奉寄民表兄是日得民表書

丈室無塵槩几橫吏休鳬鷺散無聲  
舞風竹影傒傒轉紫夢鑪香嫋嫋清  
已笑榮枯盧白戲不須物我觸蠻爭

故人剪燭西窗約知復何時話此生

朱棹

三山次潘靜之升書記韻

客路那知歲月長掀眉一笑苾芻房  
且傾徐邈聖賢酒不問陳登上下牀  
雲影翻空迷海嶠秋風隨夢到江鄉  
明朝各聽船窗雨猶憶枯碁戰寺廊

寄夢肇

滄海橫流無處安只今且作夢中看  
豈須遊戲兩蝸角

收此微茫一彈丸老境懷人山宛轉春風著物鬢摧殘  
窮愁似與詩增氣嚼雪敲冰字字寒

鄭剛中

早過烏龍嶺

烏龍嶺上萬峰巒疑是羊腸九曲盤山麓吐雲人世遠  
松梢滴露客衣寒馳驅寸祿意寧樂蕪沒小園心未安  
早願車攻歌復古不須垂老挂衣冠

庚申二月二十二日宿齋省中

齋所深嚴客過難逼人書債未須還簷遮暖日桃夭瘦  
鳥踏風枝竹影閒細細乳花新茗椀霏霏香霧小爐山  
滿庭斜月無公吏祇似東陽田舍間

譚勝仲卿有冊寶禮成新句用韻和呈

寶函重鎖環金密冊櫝雙盤帶錦斜長樂春風迎母后  
未央和氣集皇家簾垂禁衛收黃繖禮畢天仙下玉花  
班退笙鏞猶在耳五絃歌舜未須誇

仙人山寨至日

戍兵列柵半空蒼俯瞰嘉陵萬仞江山下不知傳鼓角  
天邊時見引旌幢歲寒木落鳥穿屋晝靜簾垂雲繞窗  
教罷諸營無一事錦腰催拍照金釭

寒食偶書

楚鄉孤坐掩重扉素髮荒唐酒一卮眼闇久因書卷得  
心闌全自世緣知臨流問米方終日踏雪看梅是幾時  
欲上高樓望吳越無邊煙雨正垂垂

有客問予每日何事客退賦此



杜門管得酒瓶乾  
餘事誰能著眼看  
髣髴殘香幽夢斷  
冥濛細雨落花寒  
林稍寺隱孤鐘晚  
水外人喧社飲歡  
萬里一身聊爾爾  
此身惟覺上恩寬

初春

古人書卷慢翻尋  
齒髮蕭疎歲月侵  
萬里家山孤枕夢  
滿城風雨五更心  
蒙茸軟草涵空翠  
寂歷初花弄曉陰  
燕子未來寒意重  
數峰圓瘦入雲深

初夏

春物闌珊逐曉風  
芰荷欹角草茸茸  
野梅結子疎枝重  
老竹生孫翠影濃  
煮酒情懷還是客  
異鄉歌笑且相從  
醺然就枕皆佳處  
醉夢何妨度曉鐘

出江

淨練已欣平似熨  
更因過雨助清深  
何人孤笛穿雲杪  
野岸歸舟入樹陰  
鷗鳥慣看遷客面  
江山偏識老夫心  
半鉤小卷黃昏月  
欲得新詩箇裏尋

高登

小原欲歸

潮頰香醪暈醉紅  
鐙敲歸路勒青驄  
水涵萬頃曾孫稼  
月逗盈衿少女風  
大誤平生緣畫足  
無聊中夜祇書空  
擬將方寸難論事  
直叩天門問化工

立秋道中

黃茅時節瘴煙濃  
人在山凹第幾重  
梁竦負才徒感慨  
嵇康賦性本疎慵  
此生自斷天休問  
吾道頻年世不容  
會脫幘巾還舊隱  
鹿門妻子慣相從

張綱

赴喜雪御筵歸作

喜雪排筵曉漏催  
玉人傳詔下天來  
香隨日轉蓬萊近  
花帶春回錦繡開  
一線新陰留鼓吹  
三登和氣入尊罍  
叨霑惠渥思歸美  
授簡梁園愧乏才

次韻仲弼重九

黃花白酒兩相逢  
把酒簪花對晚風  
千里故園雲水外  
三年歸路夢魂中  
自憐晚晚傷秋色  
誰解疎狂發醉紅

寄語髯周頗知否此時情緒與君同

次韻仲弼

千里長懷北固樓客居顏巷不堪憂青瑩坐看孤燈夜  
搖落初驚一葉秋已厭清談揮麈尾誰能細字寫蠅頭  
尊鱸固是吾家事好約西風買釣舟

次韻李傳道感事

卧病何人為埽門墮霜黃葉任繽紛旋沽濁酒難禁醉  
厭數孤砧遠更聞冉冉生涯飄似夢悠悠心緒亂如雲

幾時得遂江湖去野性終隨鷗鷺羣

送春

滿眼鶯花自在春送春情緒怯愁新鼓琴不用戴安道  
行酒却須溫太真晚歲深交能有幾相逢爛醉莫辭貧  
新條更有明年在重與東風作主人

歸鄉

窮巷歸來已白頭結茅何必榜休休好山當戶碧雲晚  
明月滿溪寒葦秋詩社縱添新句法醉鄉難覓舊交遊

平生幸自無機械一棹夷猶去狎鷗

用前韻

愁來莫遣上睂頭著酒驅除醉即休未省一官堪送老  
已驚雙鬢不禁秋收心香火供清夢洗眼雲溪結勝遊  
喚取短篷乘晚興坐看煙浪沒輕鷗

晚興

衰草連雲萬木風天高滅沒見孤鴻夕陽人散酒旗下  
遠浦船歸漁笛中兀兀松窗翻蠹簡垂垂蓬鬢颭霜叢

自憐世味諳來慣已覺忘辛似蓼蟲

庚午三月十日遊茅山

雨餘沙徑淨無泥策杖何妨過竹谿  
迎客野花隨處發  
勸沽幽鳥向人啼峰巒路轉攀蘿倦  
樓觀煙深望眼迷  
疑是武陵仙地隔坐來遐想舊桃蹊

老夫辭榮里居行年八十酒間漫成拙句述意  
而已不以示外也

莫笑尊前白髮翁曾騎竹馬戲元豐年  
彌八十癡頑在



身荷三朝寵眷隆  
綠野敢將前哲比  
香山幸有老人同  
興來尚欲尋幽去  
收拾殘春杖屨中

胡銓

追和東坡雪詩

為瑞應便種麥  
鴉餘光猶得映書車也知一臘要三白  
故作六霙先百花  
授簡才慳慙賦客  
披蓑句好憶漁家  
擬沽斗酒聽琴操  
三百青銅落畫叉

雷州和朱彥秀才時欲渡海

何人著眼覷征驂  
賴有新詩作指南  
螺髻層層明晚照  
蜃樓隱隱倚晴嵐  
仲連蹈海徒虛語  
魯叟乘桴亦漫談  
爭似澹菴憑興往  
銀山千疊酒微酣

張九成

次單推韻

七載離家夢亦驚  
春來又是聽倉庚  
熟諳世味心如  
水忽見故人眼尚  
明青鏡不堪看白  
髮長鏡何處覓黃  
精只思歸去西湖  
上飽喫東坡玉糝  
羹

十二月初七日述懷

謫居寂寞歲將闌  
几案凝塵酒盞乾  
落落雨聲簷外過  
悵悵雪意座中寒  
孤飛隻影人誰念  
萬里長途心自安  
世事悠悠君莫問  
雪芽初碾試嘗看

馮時行

縉雲山

借問禪林景若何  
半天樓殿冠嵒嵒  
我莫言暑氣此中少  
自有清風高處多  
岌岌九峰晴有霧  
瀾瀾一水遠無波

我來游覽便歸去不必吟成證道歌

黃公度

悲秋

萬里西風入晚扉  
高齋悵望獨移時  
迢迢別浦帆雙去  
漠漠平蕪天四垂  
雨意欲晴山鳥樂  
寒聲初到井梧知  
丈夫感慨關時事  
不學楚人兒女悲

陳晉江以壬戌四月上澣宴同僚於二公亭

百年遺址俯郊垞  
十里蒼波帶古亭  
隔岸樓臺春去遠

兩湖煙雨酒微醒  
苔碑缺落庭松老  
野鳥去來汀草青  
風物不殊天竺路  
扁舟髣髴舊曾經

道間即事

花枝已盡鶯將老  
桑葉漸稀蠶欲眠  
半濕半晴梅雨道  
乍寒乍暖麥秋天  
村壚沽酒誰能擇  
郵壁題詩盡偶然  
方寸怡怡無一事  
麤衣糲食地行仙

題白沙鋪

負郭可無三頃秫  
蓋頭幸有兩間茅  
還鄉且盡田家樂

舉世誰非市道交  
村酒一杯澆磊塊  
山程數驛更磽嶮  
羸驂莫怪歸鞭急  
心在輕紅荔子梢

贈泉守趙表之

扁舟昔艤浙江邊  
曾醉王孫玳瑁筵  
竹杖芒鞋晚城上  
金荷銀燭夜堂前  
宦遊我輩聊復爾  
聚散人間亦偶然  
誰料天涯今八載  
青燈相對各華顛

秋城晚望

斷續悲砧起麗譙  
冥冥晚色四山椒  
隔江人散墟分米

十里津喧蜚越潮夕照含山心悄愴西風動地鬚飄蕭  
低頭自笑微官縛東望滄溟歸路遙

乙亥歲除漁梁村

年來似覺道途熟老去空更歲月頻爆竹一聲鄉夢破  
殘燈永夜客愁新雲容山意商量雪柳眼桃腮領畧春  
想得在家小兒女地爐相對說行人

劉子翬

過鄴中

逐鹿營營一夢驚事隨流水去無聲黃沙日傍荒臺落  
綠樹人穿廢苑行遺恨分香憐晚節勝遊飛蓋尚高情  
我來不暇論興廢一點西山入眼明

別安子允

得酒猶堪慰舊遊長亭直為故人留煙塵幾處兵猶鬪  
風雨一年春又休尚記虎頭初擲筆終憐猿臂未封侯  
離歌唱落榆關月可似君心耐得愁

次韻盧贊元喜雪



六花初逐曉風繁  
五袴那憂歲晚寒  
杖履客迷村徑遠  
笙歌人在小樓看  
也知近郭梅將動  
只恐行春路未乾  
授簡梁園休惜醉  
銀臺列燭妓圍寬

宮亭湖

近湖黯黯氣常寒  
指點宮亭渺莽間  
素色夜浮全楚月  
綠光春浸十州山  
醉思天末騎鯨去  
老怯峰頭聽雁還  
柔櫓聲中知禹烈  
媿無椽筆畫孱顏

酴醾

顛風急雨退花晨翠葉銀苞照眼新高架攀緣雖得地  
長條盤屈總由人橫釵數朶開猶小撲酒餘香韻絕倫  
惟有金沙顏色好年年相伴殿殘春

海棠花

幽姿淑態弄春晴梅借風流柳借輕剩種直教圍野水  
半開長是近清明幾經夜雨香猶在染盡胭脂畫不成  
詩老無心為題拂至今惆悵似含情

送原仲之荆南

風急塵埃滿漢關送君行處路漫漫不知爭戰幾時定  
常恐別離相見難三徑舊遊松竹老五湖新隱水雲寬  
友朋日覺知音少綠綺從今莫浪彈

次韻陳成季郡會

疾雨狂風恨若何芳辰坐覺等閒過惜花意欲春常在  
對酒年來飲不多雅會欣聞珠履集新詞好付雪兒歌  
風流閣老推前輩喜客溫顏似醉酡

宿雲際偶題

穀雨都無十日間落紅棲草已斑斑曉煙未放屋頭樹  
春漲欲浮天際山翠蓋縈風沈遠坂漁舟驚浪落前灣  
鐘聲認得林邊寺歲歲籃輿獨往還

題將軍巖

昔年棲險人何在髣髴樓臺香靄間事去長空飛鳥沒  
時清晏坐一僧閒霜秋石壁黃金樹月夜雲濤碧玉灣  
杖策時來訪奇絕漁樵幽興自相關

菊

青叢馥郁早抽芽金蕊爛斑晚著花秋意祇應宜淡泊  
化工可是惜鉛華輕煙細雨重陽節曲檻疎籬五柳家  
暮醉朝吟供採摘更憐寒蝶共生涯

羅願

奉東李叔勤覓茉莉花栽

鄆令風流太史家早知茉莉有奇葩生嫌衆色空塵滓  
遍閱餘香見等差多謝珠璣來座右好將根柢到天涯  
蜀江紅紫紛披後初見東南第一花

鄭樵

過桃花洞田家留飲

偶從沿渚過山家爛漫桃花噪暮鴉處處竹籬環草屋  
人人雞犬話桑麻抱琴靜聽濤聲急對酒閒觀月色奢  
可笑南陽劉子驥欲尋風土滯京華

趙暘

奉和姚仲美臘梅

陽和都未見芳菲初喜寒苞發故枝絕色更無朱粉態

真香寧許燕鶯知凝愁金谷登樓日斂黛溫泉賜浴時  
寫作新聲傳玉笛誰人持向月中吹

蘇籀

次韻范子儀東山之什

東隅嶺嶠紆層出濃翠春粧日夕佳僧老林丘黨猿鹿  
地靈山澤產龍蛇井泉移得天台脈洞壑時開閬苑花  
可笑籃輿趁斜日白雲回首梵王家

王銍

遊鴻福寺和闕子東

劉家古寺城西曲選得僧坊共醉吟  
野草幽花間自媚黃蜂白蝶靜相尋  
半簷落日留難住滿地東風掃不禁  
漫道青春一分在池邊綠樹已成陰

秀遠亭

境似冰壺表裏清我來閒伴白雲行  
四山迤邐青圍野一水蜿蜒綠遶城  
試問春來觀秀色何如雨後聽泉聲  
昔人飛馭煙霞外落日空含萬古情



送孫肖之還縉雲

蓬蒿頻歲掩柴關再喜相逢一破顏  
游子年華紅葉老幽人風味白雲閒  
那知篋裏書成後猶作溪邊興盡還  
流落天涯俱避地念君更入萬重山

與郭壽翁俱客錢塘壽翁歸吉州追餞至龍山  
白塢寺惜別悵然終日始登車而去既行旬日  
予得請廬山太平觀將歸浙東山中寄詩奉懷  
江邊孤寺舊曾經重枉驪駒當短亭落日催人心去住

東風回首淚飄零，魂歸但覺楓林黑。書就終期，汗簡青

予作名臣傳數十篇，壽翁尤所稱愛。

歸隱我無衝斗氣，相思時望少微星。

十二月中旬書戴溪亭

天上東風轉斗星，天涯羈客尚飄萍。道途況復經殘歲，  
風雪那堪宿旅亭。春到怯添雙鬢白，夜寒愁對一燈青。  
殘年萬古淒涼恨，不計尊前一醉醒。

范浚

歲暮喜晴

晴山喜見曉巔岼笑出蓬門不暇冠風埽斷雲齊萬弩  
日融殘雪上三竿早黃楊柳漏春信晚翠枇杷凌歲寒  
從此林芳入幽賞凍醪新壓味甘酸

題茂安兄藏春園

春入名園何處尋東風引步上嶠欽平疑四面雲嵐合  
曲折一丘花木深碧草華滋迷絕徑綠蘿陰影護芳林  
韶光向此知歸處長與先生供醉吟

姜仲謙

已酉中秋任才仲陳去非會飲岳陽樓上酒半  
酣高談大笑行草間出誠一時俊遊也為賦之  
岳陽樓高幾千尺俯視洞庭方酒酣萬頃波光天上下  
兩山秋色月東南興來鸞鵲隨行草夜永魚龍駭笑談  
我欲煩公釣鰲手盡移雲水到松菴

張擴

觀梅西湖

天上新驂寶輅回看花仍起雪英開折歸忍負金蕉葉

笑插親臨玉鏡臺  
女堞未須翻角調  
錦囊先喜助詩材  
少蓬自是調羹手  
葉底應尋好句來

耿時舉

蘇州王太守新建郡城西樓

西樓一曲舊笙歌  
千古當樓面翠峨  
花發花殘香徑雨  
月生月落洞庭波  
地雄鼓角秋聲壯  
天迥闌干夕照多  
四百年來無妙手  
要看風物似元和

周必大

舟中憶永和兄弟

一挂吳帆不計程，幾回繫纜幾回行。  
天寒有日雲猶凍，江濶無風浪自生。  
數點家山常在眼，一聲鴻雁正關情。  
長年忽得東南鯉，恐有音書急遣烹。

次韻紅白蓮間生

閒花不遣倚門牆，獨挹芙蓉冉冉香。  
豔質施朱窺宋玉，冰姿傅粉試何郎。  
青莖翠蓋元相映，縞袂霞裾各自芳。  
聞道金鑾行豹直，炬蓮先已兆嘉祥。

送鄧曹根移帥揚州

聞道維揚地望雄  
風流人物似江東  
六龍前日臨淮海  
五馬由來說醉翁  
碧月幾橋留夜色  
珠簾十里待春風  
遙知九日平山會  
笑插茱萸滿髯紅

重九竹園見梨花懷子中兄

春花著雨即塵埃  
何似深秋耐久開  
菊尚無多饒瑞質  
霜如有意護香腮  
也知林下風光早  
不為山中厯日催  
望斷行人思折寄  
却疑呼作嶺頭梅

題神岡廟

其神蓋六朝時  
劉竺使君也

岸斷川平拔一峰，丹青剝落古靈宮。  
邦人歲久忘遺愛，賈客時來乞好風。  
二水有情猶磬折，霜楓無數仿旗紅。  
岡頭故址宜亭榭，城郭江山在眼中。

前歲冬至與胡邦衡小語端誠殿，道直下舊事。  
今年邦衡舉易緯六日七分之說，輒用子美五  
更三點為對，因憶去年館中團拜十人，今作八  
處感歎成詩。



青城小語慶新陽共向紅雲拜玉皇  
六日七分驚歲月  
五更三點憶班行  
屬車誰從黃麾仗  
釣艇還飛白羽觴  
猶勝去年同館客  
十人八處更相望

邦衡再送皇字韻詩來仍次韻

賓鴻列陣競隨陽  
却向丹山隱鳳皇  
銀管題詩紛滿帙  
金釵度曲儼分行  
漢宮早促三更席  
梁苑行稱萬壽觴  
顧我飄零無著處  
非公湔祓尚誰望

近會同年賞芍藥  
嘗櫻桃楊謹仲教授有詩次

韻為謝蕪簡周孟覺知縣

清晨自埽落花廳  
小甕親筍竹葉清簪  
盍莫辭過陋巷  
臚傳相與記彤庭  
階翻紅藥曾重見  
勅賜朱櫻亦屢經  
老去飄零無此夢  
詩來吟咏有餘馨

和龍舒兄春日出郊韻

庭東蒲鞭吏晝閒  
禽聲人語兩闌闌  
郊垞戎隊穿花裏  
阡陌兒童戲雉間  
禪語屢題投子寺  
仁風常滿皖公山  
薦書聞道交宸几  
尺一封泥合錫還

上已訪楊廷秀賞牡丹於御書扁榜之齋其東園僅一畝為術者九名曰三三徑云

楊監全勝賀監家賜湖爭比賜書華回環自劄三三徑  
頃刻常開七七花門外有田供伏臘望中無處不煙霞  
却慙下客非摩詰無畫無詩只漫誇

趙正則彥法司戶沿檄而歸玉蕊已過追賦車  
字韻奉答

春深游客競繁華寶馬香輪帶麴車不為來看招隱樹

有誰肯顧野人家飛飛粉蝶須相映皎皎銀蟾色共誇

今得審言詩勝畫傳神何必趙昌花

唐詩人杜審言為吉州司戶正則嘗

刻其詩於解舍

七月十四日江西美約周愚卿兄弟及許景陽

相過共觀鶴雛羽毛褐色因飲食雙醵新酒擘

開中新荔於白蓮池上遂成盛賞明日西美有

詩走筆奉和

起來汗浹似翻漿客帶清風變早涼鶴子曳衣猶淺褐

鶯兒對酒已深黃白蓮近揖三千女丹荔遐招十八娘  
但把槐忙付年少不妨老伴燕林塘

四景詩似欠一篇五更枕上足成之錄呈西美  
勿勞屬和僕亦偃旗閉壘矣

甘寒何必柘為漿也解逡巡造醴涼更喜鶴鳴添子和  
休因荔進引蕉黃花如宋玉窺鄰女詩似劉郎問秦娘  
只欠西湖雙畫舫便疑風景類錢塘

尤袤

落梅

梁溪西畔小橋東落葉紛紛水印空  
五夜客愁花片裏一年春事角聲中  
歌殘玉樹人何在舞破香山曲未終  
却憶孤山醉歸路馬蹄晴雪襯東風

入春半月未有梅花德翁有詩再用前韻

立馬黃昏繞曲池幾回踏雪問南枝  
不應春到花猶未定恐寒侵力不支  
隴上已驚傳信晚樽前只想弄妝遲  
臨風不語空歸去獨立無憐自詠詩

甲午春前得雪

寒聲昨夜響蕭蕭  
逗曉階前亦已消  
殘臘距春無幾日  
一年飛雪只今朝  
微陽欲動梅驚萼  
餘潤纔沾麥放苗  
天意未能違物意  
漫留殘白占山腰

范成大

代聖集贈別

一曲悲歌水倒流  
尊前何計緩千憂  
事如夢斷無尋處  
人似春歸挽不留  
草色黏天鷓鴣恨  
雨聲連曉鷓鴣愁

迢迢綠浦帆飛遠  
今夜新晴獨倚樓

立春日郊行

竹擁溪橋麥蓋坡  
土牛行處亦笙歌  
麴塵欲暗垂垂柳  
醅面初明淺淺波  
日滿縣前春市合  
潮平浦口暮帆多  
春來不飲兼無句  
奈此金旛綵勝何

餘杭道中

落花流水淺深紅  
盡日帆飛繡浪中  
桑眼迷離應欠雨  
麥鬚騷殺已禁風  
牛羊路杳千山合  
雞犬村深一徑通



五柳能消多許地客程何苦鎮恩恩

陳侍御園坐上

愁眼逢歡春水明詩情得酒春雲生  
花梢蝴蝶作團去竹裏鶉鳩相對鳴  
邂逅浮生此日好纏緜俗累何時輕  
擘箋沫墨乏奇句擲笛當筵慙妙聲

題張氏新亭

水楊成幄翠相遮猶有東風管歲華  
葉底青梅無數子梢頭紅杏不多花  
煩將鍊火炊香飯更引長泉煮鬪茶

約我詩成須疥癖莫嗔歌側似歸鴉

晚入盤門

人語嘲喧晚吹涼萬窗燈火轉河塘  
兩行碧柳籠官渡一簇紅樓壓女牆  
何處采菱聞度曲誰家拜月認飄香  
輕裘駿馬慵穿市困倚蒲團入睡鄉

春後微雪一宿而晴

綵勝金旛換物華垂垂天意晚平沙  
東君未破含春蕊青女先飛剪水花  
夜逐回風鳴瓦壠曉成疎雨滴檐牙

朝暾不與同雲便烘作晴空萬縷霞

次韻知郡安撫九日南樓宴集三首

錄一首

雙旌暮捲小春容畫棟雲生笑語中但覺山光侵酒綠  
不知日脚染溪紅控臨縹緲疑無地指點虛無欲馭風  
誰遣玉蟾催騎吹歸來人影在朦朧

客中呈幼度

手板頭銜意已慵墨池書枕興無窮釀泥深巷五更雨  
吹酒小樓三面風草色有無春最好客心去住水長東

今朝合有家書到昨夜燈花綴玉蟲

正月十四日雨中與正夫朋元小集夜歸

燈市淒清燈火稀雨中風帽笑歸遲月明想在雲堆處  
客醉都忘馬滑時老去尊前花隔霧春來句裏髭成絲  
浮生不了悲歡事作劇兒童總未知

四月五日集陳園照山堂

尋壑經丘到此堂官閒聊作送春忙短籬水面殘紅滿  
團扇風前衆綠香盡捲簾旌延竹色深斟杯酒納山光

洞門無鎖城門近轉午雞啼日正長

七月二日上沙夜泛

困倚船窗看斗斜起來風露滿天涯  
亭亭宿鷺明菰葉閃閃涼螢入稻花  
月下片雲應夜雨山根炬火忽人家  
江湖處處無窮景半世紅塵老歲華

己丑五月被召至行在遇周畏知司直和五年  
前送周歸弋陽韻見贈復次韻答之

分袂悠悠爾許年莫嗔蓬鬢兩蕭然  
酒槽不奈青春老

經筵空供白晝眠暗綠千章新活計軟紅三尺舊塵緣  
相逢且作西湖客山繞荷花艤畫船

玉堂寓直

摘文窗戶九霄中岸幘燒香媿老農上直馬歸催下鑰  
傳更人唱促鳴鐘金城巖嶂雲千雉碧瓦參差月萬重  
骨冷魂消都不夢玉階蕭瑟聽秋蛩

與長文正夫遊北山

柳岸松門勝處通馬蹄踏霧入空濛春寒有力欺遊子

天色無情沒斷鴻  
雨脚遠連山脚暗  
杏梢斜倚竹梢紅  
馳裘擁鼻吾衰矣  
年少猶嫌料峭風

寓直玉堂拜賜御酒

歸鴉陸續墮宮槐  
簾幙參差晚不開  
小雨遂將秋色至  
長風時送市聲來  
近瞻北斗璿璣次  
猶夢西山翠碧堆  
慚愧君恩來甲夜  
殿頭宣勸紫金杯

李翬知縣作亭西湖上  
余用東坡語名之曰飲  
綠遂為勝概

芷葺蓮巢喚客遊  
蘆鞭席帽為君留  
未論吹水堪添酒  
且要移牀學枕流  
乍霽却陰梅釀雨  
暫暄還冷麥催秋  
石湖也似西湖好  
煩向蒼煙問白鷗

初約鄰人至石湖

窈窕崎嶇學種園  
此生丘壑是前緣  
隔離日上浮天水  
當戶山橫匝地煙  
春入葑田蘆綻筍  
雨傾沙岸竹垂鞭  
荒寒未辦招君醉  
且吸湖光當酒泉

水鄉酌別但能之主管能之將過石康



南郭河橋市井喧綠荷香處有江天一簾梅雨爐煙外  
三疊陽關燭淚前馬耳西風君並海船頭北渚我歸田  
後期直恐參商似且醉金槽四十絃

湘陰橋口市別游子明

馬首欲東舟欲西洞庭橋口暮寒時三年再別子輕去  
萬里獨行吾早衰遙憶美人湘水夢側身西望劒門詩  
老來不灑離亭淚今日天涯老淚垂

步入衡山

應有人家住隔溪綠陰亭午但聞雞松根當路龍筋瘦  
竹筍漫山鳳尾齊墨染深雲猶似瘴絲來小雨不成泥  
更無騎吹喧相逐散誕閒身信馬蹄

冬至日銅壺閣落成

走徧人間行路難異鄉風物雜悲歡三年北戶梅邊暖  
萬里西樓雪外寒已辨鬢霜供歲籥仍撓髀肉了征鞍  
故園雲物知何似試上東樓直北看

新涼夜坐

吏退焚香百慮空靜聞蟲響度簾櫳江頭一尺稻花雨  
窗外三更蕉葉風日日老添明鏡裏家家涼入短檠中  
簡編燈火平生事雪白眇昏奈此翁

次韻許季韶通判雪觀席上

把酒臨風瑞露傾瓊漿何用謁雲英捲簾雨脚銀絲挂  
倚杖江頭綠漲生嶺海一涼蘇暑病山林千籟試秋聲  
茲遊奇絕忘羈宦慙媿煙中短棹橫

上清宮

自青城登山所謂最高峰也

歷井捫參興未闌丹梯通處更躋攀冥濛蜀道一雲氣  
破碎岷山千髻鬟但覺星辰垂地上不知風雨滿人間  
蝸牛兩角猶如夢更說紛紛觸與蠻

青城縣何子方便君同年園池

橙塍芋壠意中行浩蕩薰風不計程雨脚背人歸玉壘  
江聲隨馬入青城五橋今日新知路千佛當年舊綴名  
水竹光中同一笑丐君荷露濯塵纓

八十四盤

冥鴻無伴鶴孤飛回首塵籠一笑嬉  
八十四盤新拄杖  
萬三千乘舊牙旗  
石梯碧滑雲生後  
木葉紅斑雪霽時  
說與同行莫惆悵  
人間捷徑轉欽巖

離池陽十里清溪口復阻風

恰從秋浦挂蘆簾  
又泊清溪十里餘  
愁水愁風吹帽後  
作雲作雨授衣初  
遠尋草市沽新酒  
牢閉蓬窗理舊書  
行路阻艱催老病  
騷騷落雪滿晨梳

初歸石湖

曉霧朝暾紺碧烘橫塘西岸越城東行人半出稻花上  
宿鷺孤明菱葉中信脚自能知舊路驚心時復認鄰翁  
當時手種斜橋柳無限鳴蜩翠埽空

重陽九經堂作

俗間佳節自怱怱老去悲秋又客中青嶂捲簾三面月  
黃花吹鬢幾絲風十年故國新栽柳萬里他鄉舊轉蓬  
誰與安排今夜夢片帆飛到小籬東

致一齋述事

文書煙海困浮沈，不覺盤跚百病侵。  
偶問客年驚我老，忽聞鶯語歎春深。  
今朝麥粒黃堪麪，幾日秧田綠似針。  
除却一犁春雨足，眼前無物可關心。

午窗遣興家人謀過石湖

雲日初收破柱雷，小窗坐穩興悠哉。  
熏爐花氣朝醒解，茶鼎松風午夢迴。  
謝客門闌風動竹，惜春時節雨肥梅。  
畫船破浪亦一快，聞道湖光如潑醅。

攜家石湖賞拒霜

水上晴雲綵蝶橫許多蜂蝶趁船行  
漁樵引入新花塢  
兒女扶登小錦城  
豔粉發妝朝日麗  
濕紅浮影晚波清  
誰知搖落霜林畔  
一段韶光畫不成

御選宋詩卷五十一



謹案第三十頁後一行落梅按梁溪集此首編入  
詩餘調名瑞鷓鴣考萬樹詞律云此調與七言  
律詩同分前後段前段第三四句後段第一二  
句俱作對語但首句第二字用平聲起與七言  
律稍異耳附識于此





總校官庶吉士臣侍朝

校對官檢討臣蕭九成

謄錄舉人臣李駟

欽定四庫全書薈要

集部

御選宋詩卷五十二

三

詳校官原任主事臣  
李斯咏



欽定四庫全書薈要卷一萬八千三百五十九

集部

御選宋詩卷五十二

七言律詩八

陸游

留題雲門草堂

小住初為旬月期二年留滯未應非尋碑野寺雲生屨  
送客溪橋雪滿衣親滌硯池餘墨漬卧看爐面散煙霏  
他年遊宦應無此早買漁蓑未老歸



望江道中

吾道非邪來曠野江濤如此去何之起隨烏鵲初翻後  
宿及牛羊欲下時風力漸添帆力健艣聲常襍雁聲悲  
晚來又入淮南路紅樹青山合有詩

初夏道中

桑間甚熟麥齊腰鶯語惺惚野雉驕日薄人家曬蠶子  
雨餘山客買魚苗豐年隨處俱堪樂行路終然不自聊  
獨喜此身強健在又搖團扇著絺蕉

遊山西村

莫笑農家臘酒渾，豐年留客足雞豚。  
山重水複疑無路，柳暗花明又一村。  
簫鼓追隨春社近，衣冠簡朴古風存。  
從今若許閒乘月，拄杖無時夜叩門。

上虞逆旅見舊題歲月感懷

舴艋為家東復西，今朝破曉下前溪。  
青山缺處日初上，孤店開時鶯亂啼。  
倦枕不成千里夢，壞牆閒覓十年題。  
漆園傲吏猶非達，物我區區豈足齊。

雨中泊趙屯有感

歸燕羈鴻共斷魂  
荻花楓葉泊孤村  
風吹暗浪重添纜  
雨送新寒半掩門  
魚市人煙橫慘淡  
龍祠簫鼓鬧黃昏  
此身且健無餘恨  
行路雖難莫更論

黃州

局促常悲類楚囚  
遷流還歎學齊優  
江聲不盡英雄恨  
天意無私草木秋  
萬里羈愁添白髮  
一帆寒日過黃州  
君看赤壁終陳迹  
生子何須似仲謀



晚泊松滋渡口

小灘拍拍鷗鷺飛，深竹蕭蕭杜宇悲。  
看鏡不堪衰病後，繫船最好夕陽時。  
生涯落魄惟耽酒，客路蒼茫自詠詩。  
莫問長安在何許，亂山孤店是松滋。

巴東令廨白雲亭

寇公壯歲落巴蠻，得意孤亭縹緲間。  
常倚曲欄貪看水，不安四壁怕遮山。  
遺民雖盡猶能說，老令初來亦愛閒。  
正使官清貧至骨，未妨留客聽潺潺。

山寺

籃輿送客過江村小寺無人半掩門古佛負牆塵漠漠  
孤燈照殿雨昏昏喜投禪榻聊尋夢嬾為啼猿更斷魂  
要識人間盛衰理岸沙君看去年痕

峽漲時水高數十丈至冬盡落

寒食

峽雲烘日欲成霞漲水生紋淺見沙又向蠻方作寒食  
強持卮酒對梨花身如巢燕年年客心羨遊僧處處家  
賴有春風能領略一生相伴遍天涯

初夏懷故山

鏡湖四月正清和白塢紅橋小艇過梅雨晴時插秧鼓  
蘋風生處采菱歌沉迷簿領吟哦少淹泊蠻荒感慨多  
誰謂吾廬六千里眼中歷歷見漁蓑

初夏新晴

曲徑泥新晚照明小軒纔受一窗橫翩翩乳燕穿簾影  
簌簌新篁解籜聲藥物屏除知病減夢魂安穩覺心平  
深居不恨無來客時有山禽自贊名

秋思

魚復城邊逢雁飛，白頭羈客恨依依。  
遠遊眼底故交少，晚歲人間樂事稀。  
雲重古關傳夜柝，月斜深巷擣秋衣。  
官閒况是頻移疾，藥鼎熒熒卧掩扉。

晚晴聞角有感

暑雨初收白帝城，小荷新竹夕陽明。  
十年塵土青衫色，萬里江山畫角聲。  
零落親朋勞遠夢，淒涼鄉社負歸耕。  
議郎博士多新奏，誰致當時魯二生。

醉中到白崖而歸

醉眼朦朧萬事空今年痛飲灑西東  
偶呼快馬迎新月却上輕輿御晚風  
行路八千常是客丈夫五十未稱翁  
亂山缺處如橫綫遙指孤城翠靄中

小市

小市門前沙作堤杏花雖落不霑泥  
客心尚壯身先老江水方東我獨西  
暫憩軒窗仍汎埽遠遊書劔亦提攜  
子規應笑飄零慣故傍茅簷盡意啼

馬上

殘年流轉似萍根  
馬上傷春易斷魂  
烘暖花無經日蕊  
漲深水過去年痕  
迷行每問樵夫路  
投宿時敲竹寺門  
不信太平原有象  
牛羊點點散煙村

柳林酒家小樓

桃花如燒酒如油  
緩轡郊原當出遊  
微倦放教成午夢  
宿醒留得伴春愁  
遠途始悟乾坤大  
晚節偏驚歲月遒  
記取晴明果州路  
半天高柳小青樓

金牛道中遇寒食

乍換春衫一倍輕，況逢寒食十分晴。  
鶯穿驛樹惺惚語，馬過溪橋蹀躞行。  
畫柱彩繩喧笑樂，豔妝麗服角鮮明。  
誰知此日金牛道，非復當時鐵馬聲。

閬中作

殘年作客遍天涯，下馬長亭便似家。  
三疊淒涼渭城曲，數枝閒澹閬中花。  
擘牋授管相逢晚，理髻薰衣一笑譁。  
俱是邯鄲枕中夢，墜鞭不用憶京華。

海棠

范希元園

誰道名花獨故宮

謂故蜀燕王宮

東城盛麗足爭雄  
橫陳錦障

闌干外盡吸紅雲  
酒醺中貪看不辭  
持夜燭倚狂直欲

擅春風拾遺舊詠  
悲零落瘦損腰圍  
擬未工

老杜不應無海棠詩

意其失傳耳

晚登望雲

一出修門又十年  
輩流多已珥金蟬  
衰如蠹葉秋先覺  
愁似鰥魚夜不眠  
輦路疎槐迎駕處  
苑城殘日泛湖天



君恩未報身今老，徙倚危樓一泣然。

晚來煙雨暗江干，烽火遙傳畫角殘。  
看鏡功名空自許，上樓懷抱若為寬。  
青楓搖落新秋令，白髮淒涼舊史官。  
飽見少年輕宿士，可憐隨處強追歡。

醉中感懷

早歲君王記姓名，只今顛顛客邊城。  
青衫猶是鵷行舊，白髮新從劔外生。  
古戍旌旗秋慘淡，高城刁斗夜分明。  
壯心未許全消盡，醉聽檀槽出塞聲。

秋日懷東湖

罨畫池邊小釣磯  
垂竿幾度到斜暉  
青萍葉動知魚過  
朱閣簾開看燕歸  
歲晚官身空自閔  
途窮世事巧相違  
邊州客少已歌陋  
誰與愁城畧解圍

送客至江上

多事經旬不出城  
今朝送客此閒行  
郊原遠帶新晴色  
人語中含樂歲聲  
天際斂雲山盡出  
江流收漲水初平  
故園社友應惆悵  
五歲無端棄耦耕

深居

作吏難堪簿領迷  
深居聊復學幽棲  
病來酒戶何妨小  
老去詩名不厭低  
零落野雲寒傍水  
霏微山雨晚成泥  
自憐甫里家風在  
小摘殘蔬遶廢畦

梅花

月地雲階暗斷腸  
知心誰解賞孤芳  
相逢只怪影亦好  
歸去始驚身染香  
渡口耐寒窺淨綠  
橋邊凝怨立昏黃  
與卿俱是江南客  
剩欲尊前說故鄉

快晴

地闊天門斗柄回今朝紅日遍池臺  
新陽蘇醒春前柳輕暖醫治雪後梅  
瓦屋螺青披霧出錦江鴨綠抱山來  
衰翁也逐兒童喜旋撥文書近酒杯

遊修覺寺

上盡蒼崖百級梯詩囊香椀手親攜  
山從飛鳥行邊出天向平蕪盡處低  
花落忽驚春事晚樓高剩覺客魂迷  
興闌埽榻禪房卧清夢還應到剡溪

江漬池醉歸馬上作

久住西州似宿緣  
笙歌叢裏著華顛  
每嗟相見多生客  
却憶初來尚少年  
迎馬綠楊爭拂帽  
滿街丹荔不論錢  
浮生何處非羈旅  
休問東吳萬里船

桃源

木缺橋橫一徑微  
斷煙殘靄晚霏霏  
十年勸客明雙眼  
五月遊人換袂衣  
翠峽束成寒練靜  
蒼崖濺落素鮫飛  
爾來自笑癡頑甚  
著處吟哦不記歸

東湖新竹

插棘編籬謹護持，養成寒碧映淪漪。  
清風掠地秋先到，赤日行天午不知。  
解籜時聞聲簌簌，放梢初見影離離。  
官閒我欲頻來此，枕簟仍教到處隨。

病後暑雨書

髮毛蕭颯疾初平，雲物輪囷氣未清。  
水漲小亭無路到，雨多幽草上牆生。  
窗昏頃減讐書課，屋老時聞墮瓦聲。  
止酒無聊還自笑，少年豪飲似長鯨。

宴西樓

西樓遺蹟尚英雄  
錦繡笙簫在半空  
萬里因循成久客  
一年容易又秋風  
燭光低映珠簾麗  
酒暈徐添玉頰紅  
歸路迎涼更堪愛  
摩訶池上月方中

月下歸驛舍

歲歲常為錦水行  
驛前雙堠慣逢迎  
草深閒院蟲相語  
人靜空廊月自明  
病起酒徒嘲小戶  
才衰詩律媿長城  
何時却汎耶溪路  
卧聽菱歌四面聲

寓舍書懷

借得茅齋近笱橋，羈懷病思兩無聊。  
春從豆蔻梢頭老，日向樗蒲齒上消。  
叢竹曉兼風力橫，高梧夜挾雨聲驕。  
書生莫倚身常健，未畫凌煙髩已彫。

自合江亭涉江至趙州

正為梅花憶兩京，海棠又滿錦官城。  
鴉藏高柳陰初密，馬涉清江水未生。  
風掠春衫驚小冷，酒潮玉頰見微頰。  
殘年飄泊無時了，腸斷樓頭畫角聲。



雨

映空初作繭絲微掠地俄成箭鏃飛  
紙帳光遲饒曉夢  
銅鑪香潤覆春衣  
池魚鱗鱗隨溝出  
梁燕翩翩接翅歸  
惟有落花吹不去  
數枝紅濕自相依

春殘

石鏡山前送落暉  
春殘回首倍依依  
時平壯士無功老  
鄉遠征人有夢歸  
苜蓿苗侵官道合  
蕪菁花入麥畦稀  
倦遊自笑摧頽甚  
誰記飛鷹醉打圍

卜居

歷盡人間行路難  
老來要覓數年間  
供家米少因添鶴  
買宅錢多為見山  
池面紋生風細細  
花根土潤雨斑斑  
借春乞火依鄰里  
剩釀村醪約往還

數日暄妍頗有春意  
予閒居無日不出遊戲作

小春花蕾索春饒  
已有暄風入紫貂  
村路雨晴鳩婦喜  
射場草綠雉媒驕  
苑邊結客飛金勒  
樓上誰家弄玉簫  
莫怪夕陽歸獨後  
早梅喚我度谿橋

蜀宣華苑在  
摩訶池上

閒意

柴門雖設不曾開為怕行人損綠苔  
妍日漸催春意動好風時捲市聲來  
學經妻問生疎字嘗酒兒斟澁盃  
安得小園寬半畝黃梅綠李一時栽

南定樓遇急雨

行遍梁州到益州今年又作渡瀘遊  
江山重複爭供眼風雨縱橫亂入樓  
人語未離逢峒獠棹歌款乃下吳舟  
天涯住穩歸心嬾登覽茫然却欲愁

橋南納涼

曳杖來追柳外涼  
畫橋南畔倚胡床  
月明船笛參差起  
風定池蓮自在香  
半落星河知夜久  
無窮草樹覺城荒  
碧筒莫惜頽然醉  
人事還隨日出忙

雪中感成都

憶在西州遇雪時  
繡筵處處百花圍  
烏絲闌展新詩就  
油壁車迎小獵歸  
感事鏡鸞悲獨舞  
寄書箏雁恨慵飛  
愁多自是難成醉  
不為天寒酒力微

三月二十一日作

蹴踘牆東一市譁  
鞦韆樓外兩旗斜  
及時小雨放桐葉  
無賴餘寒開棟花  
明月吹笙思蜀苑  
軟塵騎馬夢京華  
歡情減盡朱顏改  
節物催人只自嗟

九月三日泛舟湖中作

兒童隨笑放翁狂  
又向湖邊上野航  
魚市人家滿斜日  
菊花天氣近新霜  
重重紅樹秋山晚  
獵獵青帘社酒香

鄰曲莫辭同一醉  
十年客裏過重陽

予自庚寅至辛丑  
始見九日于故山

累日無酒亦不肉食戲作此詩

小築精廬剡曲傍  
枵然蟬腹與龜腸  
酒錢覓處無司業  
齋日多來似太常  
雲碓旋舂菰米滑  
風爐親候藥苗香  
明年更入南山去  
要試囊中服玉方

南窗睡起

夢中忘却在天涯  
一似當年錦里時  
狂倚寶箏歌白紵  
醉移銀燭寫烏絲  
酒來邨縣香初壓  
花送彭州露尚滋  
起坐南窗成絕歎  
玉樓乾鵲悞歸期

秋思

秋來情味更堪論  
身寄城南五畝園  
委轡看山無鐵獺

梅聖俞

拾樵煎茗有青猿

王元之小童名

陂塘夜雨添新漲  
原

馬名

野煙蕪滅舊痕豈是平生少  
親友畧無人肯訪孤村

初夏遊凌氏小園

水滿池塘葉滿枝  
曲廊危榭愜幽期  
風和海燕分泥處

日永吳蠶上簇時  
閒理阮咸尋舊譜  
細傾白墮賦新詩

從來夏淺勝春日  
兒女紛紛豈得知

庾信詩云夏淺却勝春鏡湖遊人至

立夏  
而止

芒種經旬無日不雨偶得長句

芒種初過雨及時紗厨睡起角巾歌癡雲不散常遮塢  
野水無聲自入池綠樹晚涼鳩語鬧畫梁晝寂燕歸遲  
閒身自喜渾無事衣覆薰籠獨誦詩

臨安春雨初霽

世味年來薄似紗誰令騎馬客京華小樓一夜聽春雨  
深巷明朝賣杏花矮紙斜行閒作草晴窗細乳戲分茶



素衣莫起風塵歎猶及清明可到家

暮春

顛顚都門白髮新歸來一振客衣塵啼鶯妬夢頻催曉  
飛絮鍾情獨殿春湖上風光猶淡泊尊前懷抱頗清真  
詩成絕恨知心少自寫吳牋寄故人

小雨泛鏡湖

吾州清絕冠三吳天寫雲山萬幅圖龍化廟梁飛白雨  
鶴收仙箭下青蕪菱歌嫋嫋遙相答煙樹昏昏淡欲無

端辨一船多貯酒敢辭送老向南湖

鏡湖一名南湖

題齋壁

二十餘年此結茅園公谿父日論文風翻半浦亂荷背  
雨放一林新筍梢隔葉晚鶯啼谷口啞花雛鴨聚塘均  
出門行罷還無事借得丹經手自抄

安流亭侯客不至獨坐成詠

憶昔西征鬢未霜拾遺陳迹弔微茫蜀江春水千帆落  
禹廟空山百草香馬影斜陽經劍閣艣聲清曉下瞿唐

酒徒雲散無消息水榭憑欄淚數行

秋雨北榭作

秋風吹雨到江濱小閣疎簾晚色分  
津吏報增三尺水山僧歸入萬重雲  
飄零露井無桐葉斷續煙汀有雁羣  
了却文書早尋睡檐聲偏愛枕間聞

倚欄

閒岸紗巾小倚欄吳中三月尚春寒  
蜂脾蜜滿花初過燕觜泥新雨未乾  
老厭簿書思屏迹病逢節物強追歡

一樽又動流年感城上斜陽畫角殘

九月初郊行

九月吳中尚袂衣江郊策馬踏斜暉  
蒼苔漫漫連山路  
豆莢離離映版扉  
蒼兔避鷹投碣去  
黃鶴脫網傍人飛  
農家光景關心事  
不為無才也合歸

繫舟平水步

舟尾參差野岸橫  
屐聲穿市得閒行  
雨昏茅店炊煙濕  
人語蓬窗績火明  
枝上橙香初受摘  
擔頭菰脆正堪烹

漁樵自是平生意不為衰遲薄宦情

宿監中偶作

流落歸來兩鬢絲此生真媿北山移  
數殘更漏寒無寐  
開盡梅花病不知  
同舍破柑醒宿酒  
故人折簡索新詩  
生涯可笑清如許  
枉是京塵撲馬時

南省直宿

檐角參差散暮霞  
重門鎖斷市聲譁  
風經綠樹鴉棲穩  
月入空廊柱影斜  
藤紙靜臨新獲帖  
銅瓶寒浸欲開花

誰知今夕幽窗夢又傍扁舟上若耶

初夏郊行

小硯孤吟恐作愁長堤曳杖且閒遊破雲山湧千螺翠  
經雨波涵一鏡秋粃粃青紅村步市闌干高下寺家樓  
去年此日君知否十丈京塵沒馬頭

故山 錄三首

鏡湖

功名莫苦怨天慳一櫂歸來到底閒傍水無家無好竹

卷簾是處是青山滿簾箭出瑤簪白壓擔稜梅鶴頂殷  
野興盡時尤可樂小江煙雨趁潮還

禹祠

禹祠行樂盛年年繡轂爭先輦畫船十里煙波明月夜  
萬人歌吹早鶯天花如上苑常成市酒似新豐不直錢  
老子未須悲白髮黃公壚下且閒眠

雲門

落磎泉奔舞玉虹護丹松老卧蒼龍霜柑籬角寒初熟

野碓雲邊夜自舂挈榼人沽村市酒打包僧趲寺樓鐘  
幽尋自是年來嬾狂道山靈不見容

東關

雲戲魚鱗襯夕陽放翁繫纜水雲鄉一筇疾步人驚健  
斗酒高歌自笑狂風暖市樓吹絮雪蠶生村舍采桑黃  
東阡南陌無窮樂底事隨人作許忙

舟過季家山小泊

困睫蒙蒙渴煮茶繫舟來叩野人家風翻翠浪千畦麥



水漾紅雲一塢花健犢破荒耕犂确幽禽除蠹啄槎牙  
尋春非復衰翁事且伴兒童一笑譁

入雲門小憩五雲橋

穀雨初過換袂衣園林零落到薔薇鳴鳩日暖遙相應  
雖燕風柔漸獨飛臺省多才吾輩拙江湖久客暮年歸  
雲門踏月方清絕且倚溪橋看夕霏

秋興

老子雖貧未易量風流猶在小茅堂蒲萄錦覆桐孫古

鸚鵡螺斟玉溼香千點荷聲先報雨一林竹影剩分涼  
秋來便有欣然處新種蓴絲已滿塘

小園

窄窄柴門短短籬山家隨分有園池客因問字來攜酒  
僧趁分題就賦詩晨露每看花蕾坼夕陽頻見樹陰移  
拂衣司諫猶忙在此趣淵明却少知

夏日晚興

高挂虛窗對綠池鳥啼聲歇柳陰移舍風珍簟間眠處

疊雪輕衫新浴時  
泉冷甘瓜開碧玉  
手香素藕買長絲  
夕陽四面漁歌起  
又赴鄰翁把釣期

園中小飲

此老胸中萬頃寬  
小園幽徑日追歡  
寧教酒欠尋常債  
恥就人求本分官  
高柳陰濃煙欲暝  
叢花紅濕露初溥  
時月桂方盛開  
要知澤國年光晚  
已過清明尚淺寒

西窗

西窗偏受夕陽明  
好事能來慰此情  
看畫客無寒具手

論書僧有折釵評薑宜山茗留閒啜敗下湖尊喜共烹  
酒炙朱門非我事諸君小住聽松聲

舟中夕望

船掠湖堤不入城葛巾羽扇試春行女牆迤邐橫輕靄  
佛閣崢嶸倚晚晴樹冒藤花堆故繡風吹鶯語送新聲  
細思造物何由報遣作閒人過此生

八月三日驟涼有感

殘暑侵人畏汗霑清秋乍見月纖纖自燒熟火添香獸

旋把寒泉注硯蟾佳客誤占螢入戶遠書空喜鵲鳴簷  
悠然獨對青燈卧誰念柴門老病兼

俗以螢飛入室  
為有客至之兆

書室明煖終日婆娑其間倦則扶杖至小園戲  
作長句

美睡宜人勝按摩江南十月氣猶和重簾不捲留香久  
古硯微凹聚墨多月上忽看梅影出風高時送雁聲過  
一杯太淡君休笑牛背吾方扣角歌

得季長書追懷南鄭幕府慨然有作

從戎昔在山南日強半春光醉裏銷綠樹啼鶯窺帽影  
畫橋飛絮逐鞭梢花經小雨開差晚笙怯餘寒澀未調  
惆悵流年又如許羈魂欲仗楚詞招

山園雜詠

錄二首

殘春終日在林亭散髮披衣醉復醒科斗已成蛙閣閣  
櫻桃初結子青青魚遊滄海寧濡沫禽慕雕籠即剪翎  
薄晚東風吹小雨笑攜長鏡伴畦丁

春光何止二分空寒食都無數日中密葉成陰花寂寂

舊巢添土燕  
息息紙鳶收  
線愁風惡  
秧馬掀泥喜  
雨濛  
堪歎今年衰  
更甚蒼顏縱  
酒不成紅

初夏行平水道中

老去人間樂事稀  
一年容易又春歸  
市橋壓擔蓴絲滑  
村店堆盤豆莢肥  
傍水風林鶯語語  
滿園煙草蝶飛飛  
郊行已覺侵微暑  
小立桐陰換袂衣

幽居初夏

湖山勝處放翁家  
槐柳陰中野徑斜  
水滿有時觀下鷺

草深無處不鳴蛙  
籜龍已過頭  
番筍木筆猶開第一花  
歎息老來交舊盡  
睡餘誰共午甌茶

六月二十四日夜分夢范致能李知幾无延之  
同集江亭諸公請予賦詩記江湖之樂詩成而  
覺忘數字而已

露箬霜筠織短篷  
飄然來往淡煙中  
偶經菱市尋谿友  
却揀蘋汀下釣筒  
白菡萏香初過雨  
紅蜻蜓弱不禁風  
吳中近事君知否  
團扇家家畫放翁



秋雨初霽試筆

墨入紅絲點漆濃  
閒將倦筆寫秋容  
雨聲已斷時聞滴  
雲氣將歸別起峰  
斜日半穿臨水竹  
好風遙送隔城鐘  
遠遊更動輕舟興  
太息何人解見從

睡起至園中

春風忽已遍天涯  
老子猶能領物華  
淺碧細傾家釀酒  
小紅初試手栽花  
野人易與輸肝肺  
俗語誰能挂齒牙  
更欲世間同省事  
勾回蟻戰放蜂衙

春行

九日春陰一日晴，強扶衰病此閒行。  
猩紅帶露海棠濕，鴨綠平堤湖水明。  
酒賤柳陰逢醉卧，土肥稻壟看深耕。  
山翁莫道渾無用，解與明時說太平。

小園新晴

散髮徭狂不計年，園林只在小窗前。  
斷虹千尺卷殘雨，新月一鉤生暮天。  
臘釀拆泥留客醉，山茶落磴喚兒煎。  
物華心賞元無盡，剩住人間作地仙。

夏夜

夏夜誰知亦自長幽居渺在水雲鄉月侵竹簟清無暑  
風度衣篝潤有香棲鵲自驚移別樹流螢相逐過橫塘  
放翁尚苦餘醒在細綆銅瓶落井牀

春日小園雜賦

市塵不到放翁家繞麥穿桑野徑斜夜雨長深三尺水  
曉寒留得一分花悶從鄰舍分春甕閒就僧窗試露芽  
自此年光應更好日驅秧馬聽縑車

齋中弄筆偶書示子聿

左右琴樽靜不譁放翁新作老生涯焚香細讀斜川集  
候火親烹顧渚茶書為半酣羞近古詩雖苦思未名家  
一窗殘日呼愁起裊裊江城咽暮笳

新籬

新籬三面北通門藤架陰中細路分天宇淡青成卵色  
水波微皺作鞞紋參差村舍穿林出縹緲漁歌隔浦聞  
忽覺楚鄉來眼底欲題幽句弔湘君

小圃獨酌

少時裘馬競豪華，豈料今為老圃家。  
數點霏微社公雨，兩叢閒淡女郎花。  
詩成枕上常難記，酒滿街頭却易賒。  
自笑邇來能用短，只將獨醉作生涯。

春晚泛湖歸偶賦

十日雨晴湖水深，暖催新綠上橫林。  
分泥海燕穿花徑，帶犢吳牛傍柳陰。  
夏近漸低遊舫價，日斜殊費寺樓吟。  
歸來支枕還無事，一縷微煙看水沈。

龜堂晚興

九日春陰一日晴  
回塘閒步愜幽情  
小魚出水圓紋見  
輕燕穿簾折勢成  
今日掩關真佚老  
向來涉世亦遺名  
巡簷更有欣然處  
新筍初抽四五莖

乙夜納涼

幽人新製葛衣成  
二寸藤冠覺髮輕  
淨埽中庭延月色  
緩拖拄杖聽蟬聲  
微涼便欲疎紈扇  
小醉何妨倒玉罍  
八尺風漪真美睡  
故應高枕到窗明

開東園路北至山脚因治路傍隙地雜植花草  
清溝東畔剪榛菅雖設柴門盡日闕遠引寒泉成碧沼  
稍通密竹露青山幽花泣露開仍落好鳥穿林去復還  
更上橫岡吾所愛小兒試覓屋三間

先少師宣和初有贈晁公以道詩云奴愛才如  
蕭穎士婢知詩似鄭康成晁公大愛賞今逸全  
篇偶讀晁公文集泣而足之

仕不逢時勇退耕閉門自號景迂生遠聞佳士輒心許

老見異書猶眼明  
奴愛才如蕭穎士  
婢知詩似鄭康成  
早孤遇事偏多感  
欲續殘章涕已傾

六日雲重有雪意獨酌

遍遊數澤一漁舸  
歷盡風霜只緼袍  
天為念貧偏與健  
人因見嬾誤稱高  
地連海澨濤聲近  
雲冒山椒雪意豪  
偶得名樽當痛飲  
涼州那得直蒲萄

遊近村

度塹穿林脚愈輕  
憑高望遠眼猶明  
霜凋老樹寒無色



風掠枯荷颯有聲泥淺不侵雙草屨身閒常對一碁枰  
茅檐蔬飯歸來晚已發城頭長短更

小徑登東山繚行自西北至溪上

是夕子  
聿置酒

行穿瑩确度谿研小立風中客袖斜衰草雙雙點飛蝶  
長空一一送棲鷗荻洲薄暮收魚網茅舍初寒響緯車  
誰道老人多感慨未妨尊酒樂年華

湖塘夜歸

漁翁江上佩苓箬一卷新傳范蠡經鬱鬱林間桑椹紫

芒芒水面稻苗青雲邊築舍分南北陌上逢人半醉醒  
莫恨西村歸路遠行前點點有飛螢

明月復理夢中意作

白盡髭鬚兩頰紅頽然自以放名翁客從謝事歸時散  
詩到無人愛處工高挂蒲帆上黃鶴獨吹銅笛過垂虹  
閒人浪跡由來事那計猿驚蕙帳空

出遊

錄二首

一樽隨處可開顏此事深疑造物慳地可登臨多恨遠

身常強健又須閒  
山圍小市煙初斂  
霜著橫林葉半殷  
徙倚闌干君勿厭  
日斜猶及棹舟還

山有籃輿步有舟  
放翁身健得閒遊  
牛羊點點日將夕  
蒲柳蕭蕭天正秋  
細徑僧歸雲外寺  
疎燈人語酒家樓  
歸途更愛湖橋月  
獨倚闌干為小留

梅市暮歸三山

日日蠻童佩一壺  
壺乾時亦復村酤  
橫林露檣遠猶見  
暮靄籠山淡欲無  
綠浦例憑菰作界  
畫橈常遣鷺前驅

此身原是滄浪客，敢學高人乞鏡湖。

初夏閒居

錄二首

松棚黯黯接虛堂，埽地燒香旋置牀。  
密葉留花供淺酌，斷雲障日作微涼。  
高城薄暮聞吹角，小市豐年有戲場。  
白首史官閒盡歲，祇將搜句答流光。

城上朱旗夏令初，溪頭綠水蘸菰蒲。  
花貪結子無遺萼，燕接飛蟲正哺雛。  
簫鼓賽蠶人盡醉，陂塘移稻客相呼。

鄉中謂備耕者為客。長安青蓋金羈馬，也有農家此樂無。

北窗

半世蟬嘶坐北窗  
老年依舊守殘缸  
買書安得黃金百  
覓句如求白壁雙  
老氣尚思吞夢澤  
壯遊曾是釣巴江  
寒生事業秋毫盡  
筆力終慙鼎可扛

春晴

雨斷雲歸兩作晴  
夕陽鼓角動高城  
客愁正得酒排去  
草色直疑煙染成  
鶯為風和初命友  
鷗緣水長欲尋盟  
不須苦問春深淺  
陌上吹簫已賣饒

恩封渭南伯唐詩人趙嘏為渭南尉當時謂之  
趙渭南後來將以予為陸渭南乎戲作長句

老向人間久倦遊君恩乞與渭川秋虛名定作陳驚坐  
好句真慙趙倚樓棧豆十年霑病馬煙波萬里著浮鷗  
就封他日輕裘去應過三峰處處留

楊萬里

乙酉社日偶題

愁邊節裏兩相關茶罷呼兒檢厯看社日雨多晴較少

春風曉暖晚猶寒也知散策郊行去其奈綠溪路未乾  
綠暗紅稀非我事且尋野蕨作蔬盤

題南雄驛外計堂

攜家度嶺夜乘槎小泊凌江水北涯二月山城無菜把  
一年春事又楊花舉頭海國星辰近回顧梅山草樹遮  
客子相逢聞好語看山咫尺到南華

春晴懷故園海棠

錄一首

竹邊臺榭水邊亭不要人隨只獨行乍暖柳條無氣力

淡晴花影不分明一番過雨來幽徑無數新禽有喜聲  
只欠翠紗紅映肉兩年寒食負先生

予去年正月離家  
之官蓋兩年不見

海棠  
矣

和鞏來石遊蒲澗

南中道是島夷居也有安期宅一區屐齒苔痕猶故跡  
霓旌鸞佩已清都元戎解領三千騎勝日來尋九節蒲  
萬壑松風和澗水鳴琴漱玉自相娛

四月五日車駕朝獻景靈宮省前迎駕起居口



號

鳳輦雲行露未消  
鸞旂相動柳相高  
晴雷出地傳清蹕  
霽日吹紅染御袍  
喜見天顏浮玉藻  
歸從原廟薦櫻桃  
小臣再得瞻黃繖  
兩鬢星星不滿搔

沈虞卿秘監招遊西湖

蘇公堤遠柳生煙  
和靖園深竹映關  
船入芰荷香處去  
人從雲水白中還  
似寒如暖清和在  
欲雨翻雲頃刻間  
能並蓬萊老仙伯  
一杯痛快吸湖山

送何一之右丞出守平江

十年一別再從游，又見魚書拜徹侯。  
人物只今何水部，風流不減韋蘇州。  
白蘋洲上春傳語，烏鵲橋邊草喚愁。  
報政不應遲五月，鶯花紫禁佇歸舟。

寄題王德修知縣成都新居

子美百花潭北莊，君今占作詠歸堂。  
山分劒閣雲根瘦，江送蓬婆雪汗香。  
漱石枕流紅錦浪，浮家泛宅白鷗行。  
何人夜誦相如賦，給札蘭臺看堵牆。

延之寄詩覓道院集遣騎送至和韻謝之

與君髣髴總星星詩句輸君老更成別去多時頻夢見  
夜來一雨又秋生故人金石情猶在贈我瓊瑤雪似清  
誰把尤楊同日語不教李杜獨齊名

過揚子江

祇有清霜凍太空更無半點荻花風天開雲霧東南碧  
日射波濤上下紅千載英雄鴻去外六朝形勝雪晴中  
攜瓶自汲江心水要試煎茶第一功

天將天塹護吳天不數函穀百二關萬里銀河瀉瓊海  
一雙玉璫表金山旌旗隔岸淮南近鼓角吹霜塞北閒  
多謝江神風色好滄波千頃片時間

晚泊揚州

揚子橋西轉綵航粉城如練是維揚百年舊觀兵戈後  
近歲新聞草木荒傑閣高臺雲上出野梅官柳雪中香  
使君領畧週遭看走馬歸船欲夕陽

過高郵

解纜維揚欲夕陽過船覆盎已晨光夾河漁屋多編荻  
背日船篷尚滿霜城外城中四通水隄南隄北萬垂楊  
一州斗大君休笑國士秦郎此故鄉

過平望

望中不著一山遮四顧平田接水涯柳樹行中分港汊  
竹林多處聚人家風將春色歸沙草天漾晴光入浪花  
午睡起來情緒惡急呼蠓眼淪龍芽

送丘宗卿帥蜀

諭蜀宣威百萬兵不須號令自精明酒揮勃律天西碗  
鼓卧蓬婆雪外城二月海棠傾國色五更杜宇說鄉情  
少陵山谷千年恨不遇犀江眼為清

永和遇風

未嫌春晚不多花只愛青原綠似瓜剩欲開懷納巖壑  
可堪病眼著風沙待船小立看鷗沒倚杖微吟儘帽斜  
客裏更無詩遣興不愁雨鬢不成華

謝人送常州草蟲扇

生怕炎天老又逢草蟲扇子獻奇工還將多稼亭前月  
捲盡西湖柳上風蚱蜢翅輕塗翡翠蜻蜓腰細點猩紅  
舊時綠鬢常州守今作霜髯一秃翁

謝岳大用提舉郎中寄日鑄茶

瓷瓶蠟紙印丹砂日鑄春風出使家白錦秋鷹微露爪  
青瑤曉露未成芽松梢鼓吹湯翻鼎甌面雲煙雨作花  
喚醒老夫江海夢呼兒索鏡整烏紗

丹陽舍車登舟渡江

小泊樓船鐵甕城  
怱怱又作絕江行  
看他蠟燭幾回剪  
聽盡雞聲不肯明  
水底霜寒還十倍  
夜來月上恰三更  
篙師好語君知否  
江面侵晨鏡樣平

題盱眙軍東南第一山

第一山頭第一亭  
聞名未到負生平  
不因王事畧小出  
那得高人同此行  
萬里中原青未了  
半篙淮水碧無情  
登臨不覺風煙暮  
腸斷漁燈隔岸明

宿池州齊山寺即杜牧之九日登高處



我來秋浦正逢秋夢裏曾來似舊游  
風月不供詩酒債  
江山長管古今愁  
謫仙狂飲顛吟寺  
小杜倡情冶思樓  
問著州民渾不識  
齊山依舊俯寒流

清明日午憩黃花鎮

莫笑孤村小市頭  
花邊人出浦邊遊  
綠楊拂水雙浮鴨  
碧草黏天一落鷗  
嬾困風光酣午睡  
陰沉天氣嫁春愁  
阿誰道是清明節  
我對清明喚作秋

閭門外登溪船

無家不住曲溪邊祇種高山不種田絕壁入天天入水  
亂篙鳴石石鳴船百灘春浪雪頭過兩岸林花鏡底眠  
歸路商量更舟楫廬山彭蠡好風煙

陳俊卿

寄林艾軒

走筆題詩問起居近來導引復何如從教兩鬢霜無數  
却要三田火有餘示病想同摩詰病讀書還著子雲書  
梅霖十日宜高爽試共登樓一豁舒

劉儀鳳

報恩寺

晚途無力透空關  
佛土惟留草數間  
決去已曾盟白水  
重遊仍欲住青山  
皇華詩句羞懷祿  
儒帥封章屢乞閒  
似我更宜歸計早  
雨蓑煙艇學魚蠻

李燾

靈雲巖

路轉層岡十里餘  
武陵傳者亦難如  
昔年煉藥仙人室

今日餐霞道士居  
洞外蟠花開錦繡  
巖前石溜漱瓊琚  
猗歟靈氣為時雨  
可惜圖經闕不書

洪适

次韻程觀過

山城寂寂簿書稀  
梅際春風一夜歸  
忽喜烹魚中有得  
恍然揮麈久相違  
折腰豈愛蘄州竹  
問漢須尋織女機  
奇絕黃山待佳句  
何時小雨濕征衣

送范子芬赴浙東機幕

男兒三十富春秋況是才華出輩流傳家不墮右丞相  
入幕少佐東諸侯梅花頗惜詩人去草色正牽行客愁  
修禊蘭亭訪陳迹應懷同醉仲宣樓

洪邁

車駕幸玉津園晚歸進詩

五更猶自雨如麻無數都人仰翠華翻手作雲方悵望  
舉頭見日共驚嗟天公小試施生妙帝力堪同造物誇  
上苑春光無盡藏何須撾鼓更催花

王龜齡王嘉叟木蘊之同過小園用郡圃植花

韻

節到中和暖尚賒東風隨處起芳華自慙翳翳松三徑  
相對蕭蕭馬五花老去醉鄉為日月年來痼疾在煙霞  
午橋別墅歸公手早定淮西取白麻

韓元吉

雨中聞伯恭至湖上

莫嫌鞭馬踏春泥茶鼎詩囊偶共攜山色雨深看更好

湖光煙接望還迷連天花絮飛將盡夾道蒲荷長欲齊  
官事得閒須洗眼蓬壺只在帝城西

紅梅

不隨羣豔競年芳獨自施朱對雪霜越女謾誇天下白  
壽陽還作醉時妝半依修竹餘真態錯認夭桃有暗香  
月底瑤臺清夢到霓裳新換舞衣長

送陸務觀福建提倉

舳舻相對百分空京口追隨一夢中落紙雲煙君似舊

盈頭霜雪我成翁  
春來茗葉還爭白  
臘近梅梢盡放紅  
領畧溪山須妙語  
小迂旌節上凌風

御選宋詩卷五十二